

অন্ধ অনুসরণ

Asif Adnan

August 19, 2019

বনী ইস্রাইল সঠিক পথ থেকে বিচ্যুত হবার পর তাদের অনেক খারাপ বৈশিষ্ট্যের মধ্যে একটি সম্ভবত ছিল, আল্লাহর আয়াত (অর্থাৎ শরীয়াহর দলিল) এর পরিবর্তে নিজেদের পুরোহিত, ধর্মযাজকদের (র'যাবাই) দলিল বানিয়ে নেয়া।

আমাদের মধ্যে আজ এই বৈশিষ্ট্য প্রবল। কোন নির্দিষ্ট ব্যক্তিবর্গ কিংবা গোষ্ঠীর অনুমোদন না থাকলে কোন বিষয়ে কুরআন-সুন্নাহর কথা এবং সালাফ আস সালাহিনের অবস্থান তুলে আনলে সেটা গ্রহণ করা আমাদের অনেকের জন্য সম্ভব হয় না। যখন এসব ব্যক্তিবর্গের কথা ও অবস্থান কুরআন, সুন্নাহ ও সালাফ আস-সালাহিনের অবস্থানের বিপরীতে যায় তখন যেকোন ভাবে মনের মাধুরী মিশিয়ে ব্যাখ্যা বানিয়ে বিদ্যমানতাকে জায়েজ করা হয়।

বনী ইস্রাইলকে অনেক রকম শাস্তির সম্মুখীন হতে হয়েছে। তার মধ্যে ক্রমাগত চলতে থাকা একটি শাস্তি ছিল যিল্লতি, লাঞ্ছনা, অপমান। এ উম্মাহর মধ্যে যারা বনী ইস্রাইলের মানহাজের অনুসরণ করে তাদের ক্ষেত্রেও একইরকম হবার কথা। হচ্ছেও।